

Нюлэс дасян планэз та нуналъесы быдэстоно но валэз шутэтонэ пуктоно

Асьме странамылэн промышленностез понна но новостройкаос понна нюлэслэн макем бадзым значениез котькинлы тодмо. Соин ик нюлэс дасян планэз одно ик быдэстонлэн важностез сярысь доказывать карыны кулэез ик ёвёл. Нюлэс дасян'я сэтэм правительственной заданиемы вератэк дыраз быдэстоно луиском.

Ваньмызлы тодмо, что тулыс ю кизыны потытчоэ дыр трос ёз кылы ни. Татысен валамон луэ котькуд колхозниклы но колхозницалы нюлэс дасян планэз та нунал'ёсы одно ик тырмытон сярысь. Нюлэс дасян планэз быдэстон понна али вань луонлык'ёсты уже кутон со вылысь, чтобы вал'ёсты тулыс кизёнлы дыраз шутэтонэ пуктыса сюдонэз но утялтонэз кужмоятыны.

Верано луэ, что районьсытымы колхоз'ёс нюлэс дасян'я дополнительной заданиемы быдэстон пала туж ёжитэз вуттызы. Нош нюлэс дасянэз быдэстэм колхоз'ёс одйгез но ёвёл на. Туннэ аскы быдэсто нюлэс дасян планэз Петрова, В. Слудка, Полдарай, Донда но мукет'ёсыз колхоз'ёс. Со нош нокуызы но уг буйгаты. Тросэз колхоз'ёс дополнительной заданилэсь планэз быдэстон борды ёз куткыла на. Тани Адамской сельсоветысь Адам, Заболотно, Кельдыково, Почашевской сельсоветысь Паслоково, Золотари, Ягошур, Почашево, Помаг но районьсытымы мукет колхоз'ёс вывозка борды

Пудолэсь продуктивностьэ жэтыны обязательство басытэзы

Бадзым мылкыдэн пумитазы Дондыкарской сельсоветысь „Удмурт“ колхозысь пудо вордон бордын ужась колхозник'ёс, колхозницаос „Удмуртской АССР-ын сельскохозяйственной культурослэсь удалтонлыкэс но пудо вордонлэсь продуктивностьэ жэтым понна колхозник'ёслэн ужамзылы ватсаса тырон сярысь „СССР-лэн Совнаркомезлэсь но ВКП(б)-лэн ЦК-лэсь постановленизэс.

Та постановленизэс обсудить карем беразы азыланьын эшшо но умойгес ужаны обязательство басытэзы.

Е. В. Кайсина скал кысысь, дас одйг скал утялтэ. Котькуд скалэзлэсь 1100 литр йёлэз кысыны план'я, тупатэмын. Кайсина басытэз обязательство 1200 литр кысыны. Со понна, планэз мултэсэн быдэстэм поннэ, Кайсина ватсаса 165 литр йёл басытоз но кунян'ёссэ сохранить карем понна ватсаса 75 литр басытоз на.

А. А. Бегишева, ыж вордысь, 76 ыж обслуживать каре. Котькуд ыжезлэсь 2,7 кг. ыжгонэз чышкыны план'я

прочэ ёз куткыла. Тодыны кулэ, что нюлэс дасян'я правительственной заданиемы быдэстытэк кельтыны нокин право ёз сёты.

Соин ёш валаны кулэ, что вал'ёсты кизён азелы дасятэк трослы шёдскоз сельскохозяйственной уж'ёсты быдэстонины. Нюлэсын ужэс быдэстытэк колхоз'ёслы асьсэ план'ёссэз жоггес быдэстыны но тулыс бусы уж'ёс понна вал'ёсты утялтонлэсь вань ужрад'ёссэ кутыны кулэ. Тодын возёно, что сельской хозяйстволэн механизациезлэн будэмез шоры учкытэк вань бусы уж'ёс бадзым процентэз усё на валлы. Тини со ваньмыз кулэ каре вал'ёсты утялтонэз умоятон но сое умой шонер ужатон понна большевистской нюр'яськонэз.

„Удмуртской АССР-ын сельскохозяйственной культурослэсь удалтонлыкэс но пудо вордонлэсь продуктивностьэ жэтым понна колхозник'ёслэн ужамзылы ватсаса тырон сярысь“ СССР-лэн СНК-езлэсь но ВКП(б)-лэн ЦК-езлэн постановленизы колхоз'ёсыны выль производственной жэтсконэз кылдытэз.

Партийной, советской, комсомольской организациослэн задаказы — вал'ёсты тулыс азелы дасян понна нюр'яськонэ колхозник'ёсты организовать карон луэ. Татысен ик нырысь ужпум пуксе нюлэс дасян планэз та нунал'ёсы одно ик быдэстон понна кужымез огазены но вал'ёсты дырыз-дыр'я шутэтыны пуктыса соосты сюдонэз но утялтонэз кужмоятыны.

—————

тупатэмын. Бегишева вить килограмм чышкыны обязательство басытэз, планэз мултэсэн быдэстэм понна солы 17,5 кг. ватсаса ыжгон тырысьхоз.

О. А. Шудегова, парсь вордысь, 8 мумы парсь утялтэ. Котькуд мумы парселэсь план'я 10 парсьпи басытыны тупатэмын. Со басытэз обязательство 12 парсьпи басытыны. Планэзлэсь мултэсэн парсьпи басытыны быгатэз ке, солы ватсаса 3 парсьпи вуэ.

Кайсин, райзолан зоотехникэз.

Агитационно-массовой, ужез синмасыком нуэ

Золотари начальной школа лэн заведующоэз М. М. Урсегов эш колхозник'ёс пёлын культурно массовой ужез вискарытэк нуэ. Со изба-читальнялэн ужезлы активной юрттысь. Чем дыр'я изба-читальнянын лекциос но беседаос ортчыт'я. 8 мартэ, нылкышно ослэн международной коммунистической нуналазы лыдиз лекция, татын трос присутствовать карызы колхозник'ёс,

Культурно-просветительной учреждениослэсь ужэс умоятон

Изба читальняос, колхозной клуб'ёс, библиотекаос но красной уголок'ёс политико-просветительной ужлэн шор сюлэменызы луэ.

Ваньмыз культурно-просветительной учреждениос кулэез'я ке ужасалзы массаез культурно воспитать карон'я трос пайда сётысалзы. Тани Слудской изба-читальнялэн ужамез районьсы тросэзлы изба-читальняослы примерен луыны быгатэ. Изба-читальнялэн заведующоэз Булдаков эш активтэк уг ужа. Нырысь ик солэн активез — изба-читальнялэн советэз. Советэн тупатэм план'я Булдаков эш ас ужэм нуэ. Организовать каремын оборонной, антирелигиозной, ГСО кружок'ёс. Изучать каре ВКП(б)-лэн XVIII партконференциезлэсь материал'ёссэ но агротехникаез.

Избач'ёслэн семинаразы Булдаков эш басытэз обязательство аслэстыз ужэ эшшо но умойгес пуктыны. Со вылысь ик ёйз соревнование районьсы вань избач'ёсты. Заочной дышетсконлэн семинар'ёсиз Булдаков эш активно участвовать каре, лекциослэн материал'ёсыз'я отличной результат'ёс возматэз.

Районьсы изба-читальняос ваньмыз тазы уг ужало. Тани Коршевихинской изба-читальня, уг возматэ культурной учрежденилэсь тусса, стенаосыз сьёдэсь, лякымтэ, стеной газет уг потто, лозунг'ёс, куд'ёсыз буйрыськон темаослы вал, а и но вош'ямтэ. Малы та изба-читальня урод ужа? Нырысь ик соин, избачитальнялэн заведующоэз Богданов ас ужас халатно относиться карыське. Кытэ тйез причина, Богданов избачитальнялэн ужаз активез люканы ёз быгаты. Соин ик татын нокуыче лекциос, беседаос организовать каремын ёвёл, колхозной массаен изба-читальнянын уж уг нуыськы.

Жоген вуэ тулыс ю кизён. Тулыс ю кизёнэз жог но выль качествен ортчытоньын изба-читальняос бадзым инты басыто. Соин ик колхозной массаен культурной ужез нуналмысь нуоно.

В. Урков, РОНО-лэн политпросвет инспекторэз.

Четвертных, избач.

Москва—Советской Союзлэн отолицаёз



Манежной площадылэн тусыз. Бурьесез — СССР-лэн СНК-езлэн Домез.

Колхозной клуб'ёслы но лыдзён коркаослы юрттоме

Удмуртшымьсь вань интеллигенцилы
Шевырялово селомьсь интеллигенцилэн гожтэтэз

Селовысьтымы интеллигенция активно участвовать каре колхозной производстволэсь вань удыс'ёссэ азинтон школаез интыысь лыдзён коркае кылдытоньын. Кёня ке толэзь азывыл кылдытэм школа бадзым уж лэстытэ ни. Али отын дышетске 07 мурт. 35 лекциос но беседаос ортчытэмын ни, куд'ёсыз сйезмын общественно-политической вопрос'ёслы, агрономия но пудо вордон'я темаослы.

Интеллигенция озы ик кутскон пониз неграмотность но малограмотностез быдэтон ужлы. Туэ 1 январь азелы дышетсконэ ми кыскимы 134 муртэ. 20 мурт лыдзыны но гож'ясыкыны дышызы ини. Татын бадзым уж лэстытэ Е. И. Орехова дышетись.

Селовысь интеллигенцилэн юрттэмез'я шёдскымон умояз колхозник'ёс пёлын оборонно-физкультурной уж. Красной Армилен но Военно-Морской Флотлэн 23 годовщиназы азе 45 мурт сётызы „Готов к ПВХО“ значок'ёслы нормаос, 35 мурт — „Готов к санитарной обороне“ значок'ёслы. Тол куспын военно-тактической шудон ортчытэмын вал, кудаз участвовать карызы 67 колхозник'ёс, 42 мурт сётызы ГТО значоклы нормаос, 36 мурт луызы ворошиловской стрелок'ёс.

Ваньмыз та уж орчыт'ясыкыз запасын сыйлысь командир'ёслэн А. А. Русиновлэн, Н. Сухилхэн но Болотниковлэн кивалтэмзы улсын.

Нимысьтыз значение ми вис'ясыком стеной печатьлы. Кылем арын кизён но октонкалтон нунал'ёсы ми „Сигнал“ многотиражка 42 номер потым, ваньмыз 462 экземпляр. Туэ „Третий год пятилетки“ колхозын бордгазет 15 номер потэмын (газетлэн редакторэз Глухова эш).

Бератаз, селонь бадзым внимание вис'ясыке художественной самодеятельностылы Та берло дыр куспын колхозник'ёслы возматэмын 10 спектакль, сётымын 4 концерт.

Политико-просветительной ужлэн шор сюлмыз луэ лыдзён корка, колхозной клуб но библиотека. Лыдзён коркан нимысьтыз совет кылдытэмын,

советлэн составаз — дышетись-ёс, агроном'ёс, колхозысь егит'ёс. Совет ужа план'я, кудыз лэстытылыське толэзлы быдэ.

Али ми калык пёлын организовать карыськом XVIII Всесоюзной партийной конференцилэсь решениоссэ но СССР-лэн Верховной Советэзлэн VIII Сессиезлэсь материал'ёссэ, озы ик „УАССР-ын сельскохозяйственной культурослэсь удалтонлыкэс но пудо вордонлэсь продуктивностьэ жэтым понна колхозник'ёслы ватсаса тырон сярысь“ СССР-лэн Совнаркомезлэсь но ВКП(б) ЦК-лэсь пуктэмэз изучать карон.

Март, апрель но май куспын ми орчытом агрономия но зоотехника ичизэ вераса; 6 беседа но лекциос но сомында ик антирелигиозной темаос'я. Данак лекцияос сйезмын луозы санитариялэн но гигиеналэн вопрос'ёсылы.

Лыдзён коркан матысь дыре кылдытэмын луоз справочной стол.

Кылем арлэн примерез'я ми туэ но „Сигнал“ многотиражкаез поттом. Солэн основной задачеэз — тулыс кизён азе туж умой дасясыкон но кизёнэз жеч орчытон понна нюр'яськон.

Озы ик ми вань ужрад'ёсты кутон со понна, чтобы 1942 арлэн 1 январез азе быдэсак быдтыны асьме селовысь неграмотностез но малограмотностез.

Лыдзён коркалы но колхозной клублы юрттонэз ми ас долгенымы, ас обязанностенымы лыд'ясыкомы. Та уже пырыськыны ми отыськом асьме республикаысь вань сельской интеллигенциез.

Сарапульской районьсы Шевырялово селовысь интеллигенцилэн собраниезлэн косэмез'я.

А. Сергеев,
лыдзён коркалэн заведующоэз;
А. Бабров,
агроном;
М. Самохвалов,
неполной средней школа-лэн учебной частезлэн заведующиез.

Районной комсомольской активлэн собраниысьтыз

30 мартэ, туэ арын, районсь комсомольской активлэн собраниез ортчиз. Собрание ВКП(б)-лэн 18 Всесоюзной конференциезлэн итог'ёсызлы но комсомольской кросс ортчымтэ итог'ёсызлы сйземын вал.

18-ти партконференциезлэн итог'ёсыз'я доклад лэсьтыз ВК(б)-лэн райкомезлэн секретарез Тураев эш. Со пуйиз, что асьме районын куд-ог комсомолец'ёс хозяйственной уж'ёсын азьорттысен уг луо на. Басьтомы пудо утялтонэз. Дондыкар колхозын 1941 арын всрдскем парсьпиос пöлысь 43 процентэз кулылэмын ни. Талэсь пöртэм ик öвöл пудо утялтон ужпум Заболотно колхозын но. Виль гожтэм колхоз'ёсын комсомольской организациос ке но вань, таослэн общественной пудоез утялтон но продуктивностьсэ жутокы пумысь нюр'яськемзы нокытысь ик уг адскы.

Докладчик ас докладаз чурит критика улэ шедьтыз МТС-лэсь ляб уjamэз. МТС арлы быдэ производственной планэз уг быдэс'я. Куд-ог тракторист'ёс - комсомолец'ёс ужын пример возматон интые, асьсэос уjeз жегато. Кылсарысь, Богданов Григорий (эли комсомольсь куштэмын ни) эскерытэк ужаме-ныз тракторез стройысь поттыз. Богданов Леонид тракторез öжит но öз эскерыл, тракторез тйяськылэз, с'ыче факт'ёс луэмен ик бригадалэн но быдэсак МТС-лэн производственной программаез öз быдэс'яськыл.

Комсомольской кросс ортчымтэ лэн итог'ёсыз'я доклад лэсьтыз Средней школалэн военрукез И. М. Богданов эш. Со вераз, что комсомольской кросс асьме районын туж ляб ортчымтын. Район'я 599 комсомолец'ёс пöлысь кроссын

195 мурт гинэ участвовать карызы. Таос пöлысь 26 процентлы гинэ куасэн ветлон'я ГТО значоклы нормаос сётйзы. Та возматэ, что куд-ог комсомольской организациос кросс ортчымтын дасяськонлы саклык ичи вис'яллызы. Тани, комсомольской организациос: Партяновоысь, Райсполкомысь но мукет'ёсыз кросс ортчымтын дасяськонлы формаль но гинэ относиться карыськызы. Нош Дондаысь, Коршуновоысь, Е-Слудкаысь но Н-Слудкаысь комсомольской организациос кроссын участвовать но öз каре.

Таин чöш ик вань куд-ог комсомольской организациос, куд'ёсыз кросслы умой дасяськыса, сое умой орчмыты. Кылсарысь, Бозинской комсомольской организациос (секретарез П. Шуде-ов эш), организациысь взьмыз комсомолец'ёс кроссын участвовать карызы но куасэн ветлон'я ГТО значоклы норма сдать карызы. Балзымшурской комсомольской организациос (секретарез Н. П. Баженов эш) ваньмыз кроссын участвовать карысь комсомолец'ёс пöлысь 88 процентлы ГТО значоклы норма сётйзы.

Кынкыз ик вопрос'ёс'я 15 мурт прениын вераськызы. Выступать карысьсэ тужгес но критика улэ шедьтызы изба - читальняослэсь ляб ужамэс. Полдарайысь избачитальня складлы пöрмытэмын, егит калык пöлын нокыче культурно-воспитательной уж уг нуиськы.

Районной комсомольской собраниез аслаз кутэм решенияз 18 ти партконференциезлэсь решениоссэ зечкылазы но сельской хозяйстволэсь ужэз умоятон'я комсомолец'ёс азе конкретной ужпум'ёс пуктыз.

В. Баженов.

МУКЕТ КУНЬЁСЫН

Китайын военной действиос

Центральной Китайын. Цзянси провинциезлэн северной люкетаз китайской войскоос но японской войскоослэн отдельной частьёсыз кустын бойёс мыно. Японец'ёс китаец'ёс лэсь азылане мынонзэс дугдытыны выро. Японской авиация Шангао районын (Наньчанлэн юго-запад палаз) китайской позициосты бомбардировать карыз.

Южной Китайын. Гуандун провинциезлэн юго-восточной люкетаз японской войскоос Чаоян но Шанмынь дорысен

север пала бой нуыса азылане мыно. Китайской войскоос японец'ёслэсь азылане мынонзэс дугдытыны выро.

19 мартэ марионеточной властьёслэн войскоосы ныль полк котыр Хэнань провинциезлэн южной люкетаз японец'ёс пумитэ восстание жутизы. Куинь станковой пулемет'ёсты но кöня ке суюс винтовкаосты киязы басьтыса, восстать карысьсэ китайской войскоос пала выжизы.

(ТАСС).

Албанын военной действиос

Афины, 27 мартэ. (ТАСС) Греческой командование толон жытазе опубликовать карыз сводка, куذاз вераське, что фронтын операциос пехоталэн но артиллериялэн участвовать карыса местной значениен гинэ ортчизы.

Афины, 27 мартэ. (ТАСС). Государственной безопасности греческой министерство

лэн ивортназ, кудыз опубликовать каремын 26 мартэ, вераське: „Неприятельской авиация бомбардировать карыз Превезаез. Сöсыртэмын одйг мурт, повредить каремын кöня ке зданиос. Бомбаос озы ик куштэмын вал западной Пелопонаослэн гурт'ёсыз пöлысь одйгез вылэ. Бырем ёс но разрушениос öвöл.

Советской Союзын

Молдавской ССР-е нуналлы быдэ дасоен виль трактор'ёс вуо, куд'ёсыз станциосен ик мечак республикае виль кылдытэм МТС'ёсаз но колхоз'ёсаз келясько.



Кемалась кылдытымтэ „Новая жизнь“ колхозысь колхозник'ёс (Кыцканы село, Бендерской уезд) нырысетйэз ваем тракторез эскеро, кудыз обслуживать кароз тулыс ю кизёнэз.

ТУЛЫС ЛУД УЖЬЁС

Запорожье, 30 мартэ. (ТАСС). Областьын южной районёслэн колхоз'ёсаз луд ужьёс продолжаться карысько. Тросэз тракторист'ёс нуналмысь ужан нормаэс муртэсеп быдэсьяло. Область вазь кизён шепо культураен 50 сюрс гектар котыр музейма киземын но со мында котыр ик гыремын. 280 сюрс гектар зябб усыймын. 100 колхоз'ёслэсь но уноез вазь кизён зерновой культураен кизёнэс быдэстйзы.

Житомир, 30 мартэ. (ТАСС). Луиз шунит: толон орчмын нырысетйез тулыс зор. Потиевской районьсь колхоз'ёс озимовойлы подкормка орчмытын кутскизы. Чаласлэн нимыныз нимам но „Новая жизнь“ сельскохозяйственной артельёсысь колхозник'ёс 200 процентлэсь но уноез задавизэс быдэсьяло. Районь озимовойлы подкормка 1000 гектар площадь вылын орчмытэмын.

Кызы ми уjeз организовать карим

Массаез воспитать но коллективно организовать кароны стеной газет бадзым инты басытэ. Соелыдэ басытыса, ми, стеной газетмылэсь ужэз умой пунктон вылысь ужаны кутским. Нырысь ик стеной газетмес вискарытэк поттыны кутскимы. Соин ик солэн кужымез зол луиз. Али стеной газетмес вискарытэк тупатэм дыре поттылыськомы — пятидневкалы быдэ одйг газет.

Редколлегимылэн член'ёсыз Волкова но Урсегов эш'ёс газет поттон бордын мылкыдо ужало. Редколлегия пöлын ма ужаны функциос люкылэм, составить каремын ужаны план. Планымы возматйськом ку газет потоз но ма темаосын. Планымы тодматйськом селькор'ёсмес но соослы ик ку дыре, ма сярэсь гожтыны сётйськом задание. Активной селькор'ёсмы милиам 8 мурт ляд'ясько.

Кемалась öвöл тулыс ю кизён вопросэн орчмытэмын рейд. Рейдын активно участвовать карызы редколлегилэн член'ёсыз но селькор'ёс. Рейдлэн итог'ёсыз сярэсь гож'ямы газетамы Рейд орчмем бере

колхоз'ёс газетамы возматэм тырмымтэоссэс быдтон вылысь ужаны кутскизы.

Газетмес лядзыны колхозник'ёс интересоваться карысько. Уката но соин, статьяосыз пишчесь гож'ямын, отын трос пример'ёсыз, факт'ёсыз, карикатураен, картинкаосын но пöртэм (разноцветной) карандаш'ёсын оформлять каремын. Редколлегимылэн членэз М. М. Урсегов эш умой художник.

Азыпалан ужаны ми ас выламы пунктйськом з а д а ч а : ваньмаз колхоз'ёсын мед луозы активной селькор'ёс. Озы ик ваньмаз колхоз'ёсын стеной газетлэсь поттылонэз вискарылытэк добитыса карыськоно но ю кизён дыр'я котькуд бригадоосын стеной газет поттонэз организовать кароно.

Таин валче ик, вань на трос тырмымтэос. Газетмы куд дыре потэ грамматической но стилистической ошибкаосын. Азыпалан сое быдтон вылысь ужалом.

Четвертных, стеной газетлэн редакторез.

Шонертон

28 мартэ потэм „Виль улон“ газетын „Правда“ колхозлэн 1941 арлы производственной планэз печатать каремын. Нырысетй таблицяз 1-й бригадалы зеглэсь уржайэз басытыны правлениен юнматэмын 15,5 центнер, бригадаен принять каремын

11,5 центнер но валовой сборез 523 центнер шуыса гожтэмын.

Лылзано: правлениен юнматэмын 12 центнер, бригада принять кариз 12 центнер но валовой сборез 546 центнер шуыса.

Селькор'ёслэн

Гожтэт'ёсы

КОНЬДОН ТЫРОНЭЗ ЖЕГАТОНО ÖВÖЛ

Понинской сельсоветысь куд-ог колхоз'ёсын коньдон люкан план ляб быдэсэме. Сельсовет'я заёмлы взнос гыремын быдэсак 68 процентлы гинэ. Тужгес ик бере кыле Кляпово колхоз, татысь заем'я уполномоченноез Т. С. Баженов одйг копейка но öз люка на.

Заёмлы взносэс кылем арын 15 сентябре ик быдэсак тырмытызы. Понино, Ескино но Донда колхоз'ёсын. Татысь заем'я уполномоченнойёс синмаськымон умой ужазы.

Золотарев, сельсоветлэн налоговой агентэз

Кивалтонысь палдуркемын

Коршевикино сельсоветысь Ишошур колхозлэн председателез Хаймин но счетоводэз Баженов колхозэн кивалтонысь палдурскыса уло. Соосты колхозник'ёс лумбыт чоже утчасы уг шедьто. Колхозник'ёс ма ужаны но уг тодо. Ма бен каро соос? Ма каремзы тодмо, вина бутылка но брага чан бордын погыллыськыса уло. А верано луэ, татын ю кизёнлы дасяськончидантэм ляб мынэ. Кидыс юзы сортировать карымтэ, кыед уг потто, сельхозинвентарь ремонтировать карыса быдэстымтэ. Фермаосысь пудоослэн состоянизы урод.

Кема-а тазы таос бездействовать карыса улозы на?

Богданов, сельсоветлэн секретарез.

Пудоосты висемзылэсь возмико

Пудоосты пöртэм висен'ёсын висемзылэсь возман вылысь жог орчмытэмын нуоз прививочной кампания. Прививка лэсьтонэз нуозы ветврач'ёс но колхоз'ёсысь ветфельдшер'ёс. Прививка лэсьтэмын луоз парсьёслэн, бадзым суро пудоослэн, вить толэзь тырмен кунян'ёслэн но ыж'ёслэн висемзылы пумит.

Ветврач'ёс но ветфельдшер'ёс гинэ огнязы та уж'ёсты орчмытэмын уз быгатэ, соослы юрттоно луо колхозник'ёс, колхоз'ёслэн кивалтй'ёсы. Нырысь ик та уже кулэ лыдын калык вис'яно, прививка орчмытон интые пудоосты ваёнэз обеспечить кароно.

Та уjeз орчмытыса, пудоосты быгатомы возманы пöртэм висен'ёслэсь но быремзылэсь.

Сандаков, райзолэн старшой ветврачез.

Врид. редактора П. Т. Алексеев.